

# EQQAKKAT PINNGORTITAMUT PITSAASUUNNGILLAT!

TAMATUMA  
OQALUTTUARINISSAANUT  
INUAT 6-IT IKIUKKIT



**PIVIUSUT**  
UKIUT TAMAASA NUNARSUARMI  
IMARTANIILERSIMASUT PLASTIKKIT  
8 MILLIONER TONSIT MISSAANNIK  
ANNERTUSSUSEQARTARPOT.  
TAMANNA MINUTSIMUT LASTBIILIT  
ULIKKAARLUTIK USEQARNERATTUT  
ANNERTUSSUSEQARPOQ.



## ANGUNIAGAQ

Eqqakkat pinngortitamiittut sunniutigisartagaat meeqqat ilikkassavaat.

Meeqqat nutaaliullaqqis-suuput.

Assilisanik meeqqerivimmi nivinngarterigitsi, taamaaliluni angajoqqaat, qatanguit aamma aanaakkut/aataakkut meeqqat aallugit aggernerminni takussavaat.

## PIAREERSARNEQ

- Aaqqaserlusi puusialisarlusilu aneerlusi eqqakkanik katersigitsi.
- Kartongit A3-t imaluunniit annoraamernit qaqikkit.
- Nipinneqqut, aviisit aamma uumasut pinngortitallu pappialanngortinnerat qaqikkit.

## SAMMISASSAQ

Assilissanik "kusanartunik" sanagitsi. Meeqqanut takuneqarsinnaalersikkitt qalipaattillu pinnguarlugit.

Pinngortitarsuatta assinginik, naasut kusanartut, pinngortitap kusanartup uumasullu tamaaniittut assinginik qiortakkanik assilialiorlusi aallartigitsi.

Meeqqat maannakkut eqqakkanik aneerlusi katersorsimasassinnik qiortakkanik assilialianik "pinnerstaatissigitt". Taamaaliornissinni ataatsimoorlusi takutissavarsi eqqakkat pinngortitamik aserueqataasartut.

## OQALOQATIGILLUARNERIT

Eqqakkat kusanaatsuinaangillat, kisianni avatangiisinut, uumasunut uagutsinnullu ajoqusiisarlutik. Pingaartumik plastikkit mikroplastinngortarput issumi imermilu katersuutarlutik. Ullumikkut uilluni aalisakkanilu mikroplastinik nassaartoqartalereerpoq.

